

PLOANIES SAN MARTIN Y LUNGIARÜ

Invit al "Preregrinaje dles families por la familia" en sabeda ai 3 de setëmbër dales 14.00 a Weißenstein, che é lié ala "Xª incuntada mundiala dles families a Roma" che é stada ai 22 - 26 de jügn 2022 sot al tema "Amur familiar vocaziun y tru de santificaziun" An s'abina a Weißenstein; program: 14.15: acolienza, animaziun, oraziun y cianties, corona dla familia; 16.30: mëssa y dales 17.40 conclujiun. Ciaredi ince ala oraziun por les families te chësta plata tla pert daite.

Curs de formaziun por conduturs/ies dla Zelebrazion dla Parora de Dî
Ciareda t'l'ultima plata

SAN MARTIN

En la domënia di Agnui Custodi, ai 4 de setëmbër, él mëssa di jogh.

LUNGIARÜ

I Seniors é inviá al "1. Landesalmfest" sön la "Kalcheralm" (sot le Jaufenpass) che vëgn organisada cun le moto "Singen, weil es Freude macht" dal Landesauschuss dla Uniun di Seniors, dal Bezirksauschuss Eisacktal/Wipptal y dala Ortsgruppe Freienfeld" en sabeda ai 3 de setëmbër cun na Mëssa dales 11.00 y dedò salut di surastanc, marëna y sté adöm a cianté, soné y s'la gode.

I/Les interessá/des pó se prenoté pro Clemente cina en lönesc 29 d'agost dales 18.00 al nr. 342 13 76 430 y ciararà spo informaziuns plü avisa.

La Uniun dles Ëres da Lungiarü organisëia cun le sostëgn dl consëi de formaziun le workshop "Introduziun ala cosmetica naturala" cun Giulia Moling en mertesc ai 30 d'agost dales 19.00 ales 21.00. Prenotaziuns pro Giulia al numer 347 5860697.

Döt le bun a chi che complësc i agn de setëmbër

San Martin Paul Planatscher che nen complësc 85 ai 3
Fr. Felix Ploner che nen complësc 92 ai 5
Giovanni Rubatscher che nen complësc 81 ai 7
Rita Zingerle Tavella che nen complësc 83 ai 14
Maria Grünfelder Flöss che nen complësc 93 ai 20
Stina Bioc Clara che nen complësc 85 ai 23

a Lungiarü Paul Clara che nen complësc 90 ai 6
Regina Daporta Mischi che nen complësc 97 ai 12
Albina Pezzei Mischi che nen complësc 87 ai 20



Plata dles Ploanies San Martin y Lungiarü

ploian siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



28.08. - 04.09.22 n. 40

<https://www.valbadiaonline.it>

ultimo termo por comunicaziuns: jöbia, dales 20.00

22ª DOMÈNIA IA POR L'ANN C

Vangele do Lùca 14,1.7-14

Gejù ê rové n dé de sàbat a past tla ciasa de n farisê alangrana y la jënt l'osservâ. Canch'al odô, sciöche i ghesc se chirî fora i posc de onur, àl tut l'ocajion por i dè n insegnamënt. Al ti à dit: Sce t'es invié a na noza, no te chirî fora le post d'onur. Deache al podess ester invié n ater, che é plü nobl co tö. Al podess spo gnì chël che à invié tè y l'ater, y te dî: Lasci lerch a chël. Tö messesses te dodè y jì a tó ite l'ultimo post. Sce t'es invié, va, canche te vëgnes, a tó ite l'ultimo post; spo gnarà chël, che t'à invié, y te dijarà: Mi amì, vî ma plü inant! Chësc sarà por tè n'onur dan da düc i atri ghesc. Deache chël che s'inalza gnarà umilié, y chël che s'umiliëia gnarà inalzè.

Spo ti àl dit a chël che l'à invié:
sce t'ofrëscs da misdè o da sèra n past,
spo ne stè a invié tü amisc o tü fredesc,
tü parënc o tü vijins ric; zënza t'inviëi
incè ëi, y cun chël te vëgnel döt indô retü.
Nou, canche t'ofrëscs n past,
spo inviëia ite püri, storpià, zoç y verc.
Tö saras beat, deache ai ne po nia t'al rete;
al te gnarà retü dala ressourceziun di iüsç.



*Ti'Eucaristia unse bele sëgn y danter nos na comunité daverta a düc:
Pro la mësa dl Signur n'él nia important, sce un é rich o püre, jonn o vedl,
sann o da defet, pröm o ultimo.*

*Pro la mësa dl Signur ne vëgnel gnanca ciaré tan sterscia che mia fede é
o tan grana che mia colpa é.*

*Pro l'ultima cëna n'á Gejù stlüt fora no chël che l'à imbanì
no chël che l'à spo desconesciü.*

Ulrich Loose

Ái iö l'umilté da sté ite te chësta comunité y da azeté vignun?

EDEMA	SAN MARTIN	LUNGIARÜ	Pere Sant, i düc sun chiló dan da te a te laldé y te dí dilan dla gran scincunda dla familia. I te periun por dotes les families consacrades y liades tl sacramënt dl matrinome ch'ares descüres vigni de danü la grazia ch'ares á ciafé y dais testimonianza, sciöche de pices dljies de ciasa, de tüa presënza y dl bun che Gejú Crist ti á orü ala Dlijia. I te periun por les families atocades da dificultés, da maratia y da tribulaziuns che ma tö conësces. Sostëgneles y mostri le tru ala santité sön chël che te les chërdes, ch'ares pois sintí tüa misericordia infinida y ciafé trus nüs da crësce tl amur. I te periun por düc i geniturs, por chi che tira sö sü mituns da susc y chi che n'é nia plü bugn da vire so matrimone. Dëidi te süa vita da vigni de y dáí la forza y porsones che les dëida vire süa vita. Stái dlungia te sües têmes y te sü fistidi y fá ch'ai ciafes pro te consolaziun y confort. I te periun por i mituns y i jogh, ch'ai t'incuntes y ch'ai ti respognes cun ligrëza ala vocaziun che t'as arjigné por ëi. I periun por i geniturs, por i neni y les lãs, ch'ai sides cosciënc ch'ai é instësc n sëgn dla paternité y dla maternité de Chël Bel Dî. Te so fistide por i mituns che tö i as afidé cun corp y anima, lasci ester d'ejëmpl de fraternité por le monn. Fá Signur che vigni familia pois vire tla comunité dla Dlijia süa vocaziun ala santité y ester protagonista dl'evangelisaziun tl sorvisc a bëgn dla vita y dla pesc en comuniun cun i proi y düc i mëmbri dla Dlijia. <i>Oraziun gnüda metüda adöm por 'incuntada dles families 2022 a Roma.</i>
28.08.22 22^a Domënia ia por l'ann C <i>Sant Agostin</i>	9.00 Corona 9.30 Gran Mëssa por la Comunité + Clara Flöss Afreider, Coltlames + Angelina Vanzi Baldissera Benedisciun dl tëmp	7.50 Corona 8.15 Gran Mëssa por la comunité en onur de Sant Ojöp Freinademetz Benedisciun dl tëmp 15.00 Corona tla capela S. Ojöp Fr.	
29.08.22 Lönesc <i>Decapitaziun de San Jan</i>			
30.08.22 Dedolönesc <i>Gaudenzia, Rebeca</i>	19.00 Mëssa + Dam + Antonella Ellecosta, La Val		
31.08.22 Dedemesaledema <i>Ojöp d'Arimatea, Nicodem</i>		7.30 Mëssa en onur di Agnui Custodi	
01.09.22 Jöbia <i>De dla Creaziun</i> <i>Verena, Rut</i>	7.30 Mëssa + Iarone Rubatscher Corona por vocaziuns		
02.09.22 Pröm vëndres <i>Ingrid, Zeno</i>	Domisdé: Provijiun di Amará 18.30 Devoziun chîta 19.00 Mëssa + Ida Dariz	7.00 Adoraziun 7.30 Mëssa + + Scebio y Angela Nagler Danmisdé: Provijiun di Amará	
03.09.22 Sabeda <i>Gregöre le Gran, Sofia</i>	20.00 Mëssa prefestia + Giovanni Pescoller + + dla fam. Tavella, Cëch	18.30 Mëssa prefestia dl ann de + Emilia Mischi Clara + Zilia Dapoz	
04.09.22 23^a Domënia ia por l'ann C Domënia di Agnui Custodi	9.00 Corona por vocaziuns 9.30 Gran Mëssa <i>di jogh</i> en onur di Agnui Custodi + + siur Angel Morlang y Ida Deiaco Benedisciun dl tëmp	7.50 Corona 8.15 Gran Mëssa por la comunité en onur di Agnui Custodi Benedisciun dl tëmp 15.00 Corona tla capela S. Ojöp Fr.	